

14 Gorffennaf 2016

Annwyl Syr / Madam

### **Blaenoriaethau ar gyfer y Pwyllgor Plant, Pobl Ifanc ac Addysg**

Sefydlwyd Pwyllgor Plant, Pobl Ifanc ac Addysg Cynulliad Cenedlaethol Cymru (y Pwyllgor) gan y Cynulliad ar 28 Mehefin 2016, a'i gylch gwaith yw '*Archwilio deddfwriaeth a dwyn Llywodraeth Cymru i gyfrif drwy graffu ar ei gwariant, ei gweinyddiaeth a'i pholisi yn cwmpasu'r meysydd a ganlyn (ond heb fod yn gyfyngedig iddynt): addysg, iechyd a llesiant plant a phobl ifanc Cymru, gan gynnwys eu gofal cymdeithasol.*

Ceir rhagor o fanylion am rolau a chyfrifoldebau ehangach pwyllgorau'r Cynulliad yn yr adroddiad, ['Pwyllgorau yn y Pumed Cynulliad'](#), a osodwyd gerbron y Cynulliad ar 23 Mehefin 2016.

### **Gwahoddiad i gyfrannu at yr ymchwiliad**

Er mwyn ei helpu i lywio'i flaenraglen waith, mae'r Pwyllgor am glywed beth yr ydych chi'n credu y dylai ei flaenoriaethau fod yn y Pumed Cynulliad. Yn benodol, mae'r Pwyllgor yn awyddus i wybod beth, yn eich barn chi, yw'r prif feysydd y dylid rhoi sylw iddynt yn y 12 mis nesaf.



## Cyflwyno tystiolaeth

Mae gwybodaeth gyffredinol am weithdrefnau'r ymgynghoriad, y dylid eu hystyried yn ofalus cyn cyflwyno tystiolaeth i'r Pwyllgor, ar gael yn Atodiad. Os hoffech ymateb i ymgynghoriad y Pwyllgor, llenwch y ffurflen sydd ynghlwm. Dylid dychwelyd copi electronig o'ch tystiolaeth at: [SeneddCYPE@cynulliad.cymru](mailto:SeneddCYPE@cynulliad.cymru)


Fel arall, ar ôl ei llenwi, gallwch anfon copi caled o'r ffurflen at:

Sarah Bartlett  
Dirprwy Glerc  
Y Pwyllgor Plant, Pobl Ifanc ac Addysg  
Cynulliad Cenedlaethol Cymru  
Bae Caerdydd  
CF99 1NA.

Dylai ymatebion gyrraedd erbyn **dydd Gwener 9 Medi 2016**. Mae'n bosibl na fydd modd ystyried ymatebion sy'n dod i law ar ôl y dyddiad hwn.

Os bydd gennych unrhyw ymholiadau, cysylltwch â Marc Wyn Jones, Clerc y Pwyllgor ar 0300 200 6363.

Yn gywir



**Lynne Neagle AC / AM**

Cadeirydd / Chair



## Cyflwyno tystiolaeth ysgrifenedig i'r Pwyllgor

### Datgelu gwybodaeth

1. Mae [polisi'r Cynulliad yngylch datgelu gwybodaeth](#) ar gael; gofawch eich bod yn ystyried y manylion hyn yn ofalus cyn cyflwyno gwybodaeth i'r Pwyllgor. Fel arall, mae copi caled o'r polisi hwn ar gael drwy gysylltu â'r Clerc.

### Cyflwyno tystiolaeth

2. Os ydych am gyflwyno tystiolaeth, anfonwch gopi electronig o'ch ffurflen at [SeneddPPIA@cynulliad.cymru](mailto:SeneddPPIA@cynulliad.cymru)

3. Dylai ymatebion gyrraedd erbyn **9 Medi 2016**. Mae'n bosibl na fydd modd ystyried ymatebion sy'n dod i law ar ôl y dyddiad hwn.

4. Wrth baratoi eich tystiolaeth, cadwch y canlynol mewn cof:

- dylai eich ymateb gyfeirio at y materion sydd gerbron y Pwyllgor, a dylid eu cyfyngu i'r cwestiynau yn yr ymgynghoriad.
- bydd y Cynulliad Cenedlaethol fel rheol yn sicrhau bod ymatebion i ymgynghoriad cyhoeddus ar gael i'r cyhoedd, ac efallai y cânt eu gweld a'u trafod gan Aelodau'r Cynulliad yng nghyfarfodydd y Pwyllgor. Os nad ydych am i'ch ymateb na'ch enw gael eu cyhoeddi, mae'n bwysig eich bod yn nodi hynny'n glir wrth gyflwyno'r dystiolaeth; a
- nodwch pa un ai fel unigolyn ai ar ran sefydliad yr ydych yn ymateb.

### Canllawiau ar gyfer tystion sy'n darparu tystiolaeth ysgrifenedig i bwyllgorau

5. Mae'r Cynulliad yn ymrwymedig i ddarparu gwybodaeth hygyrch i'r gynulleidfa ehangaf bosibl. Diben y canllaw byr hwn yw cynorthwyo tystion sy'n cyflwyno tystiolaeth ysgrifenedig i bwyllgorau. Bydd hyn yn galluogi'r Cynulliad i ddarparu gwybodaeth a gyflwynwyd gan eraill mewn modd hygyrch.



- Defnyddiwch Gymraeg a Saesneg clir gan osgoi jargon diangen.
- Defnyddiwch ffont sydd o leiaf maint 12.
- Defnyddiwch Lucida Sans, sy'n ffont glir sans-serif.
- Peidiwch ag ysgrifennu testun dros luniau, graffeg neu ddyfrnodau.
- Lliwiau a chyferbyniad – dylai'r ysgrifen gyferbynnu gymaint â phosibl â'r cefndir: ysgrifen dywyll ar gefndir golau, ac ysgrifen olau ar gefndir tywyll.
- Peidiwch â defnyddio priflythrennau bloc, a cheisiwch osgoi defnyddio print trwm, print italig a thanlinellu.
- Os ydych yn cyfeirio at ddogfen sydd wedi'i chyhoeddi, rhowch hyperlinc at y ddogfen honno.

6. Pryd bynnag y bo modd, dylid darparu gwybodaeth gan ddefnyddio Microsoft Word (ac ar y ffurflen a ddarperir) er mwyn sicrhau ei bod yn hygyrch. Pan fyddwch chi'n cyflwyno sgan neu PDF, yn enwedig pan fyddant yn llythyrau wedi'u llofnodi neu'n dablau o wybodaeth, dylech gyflwyno'r ddogfen Word wreiddiol gyda hi.

7. Er gwybodaeth, mae'r Pwyllgor wedi gwahodd amrywiaeth eang o sefydliadau i roi sylwadau; mae rhestr o'r rhain ar gael ar gais. Mae copi o'r llythyr hwn hefyd wedi'i roi ar wefan y Cynulliad Cenedlaethol ynghyd â gwahoddiad agored i gyflwyno sylwadau. Fodd bynnag, byddai'r Pwyllgor yn ddiolchgar pe gallech anfon copi o'r llythyr ymgynghori a'r atodiad at unrhyw unigolyn neu sefydliad y credwch yr hoffai gyfrannu at yr ymchwiliad.

